

彰德府志



170.2 卷2
170.3 卷3

章德府志目錄

卷首

上諭

聖製

舊序

銜名

凡例

圖說

卷一

天文

地理

卷二

山川

卷三

建置

卷四

古蹟

卷五

學校

書院

義學附

卷六

職官

考表

卷七

官蹟

卷八

官蹟

卷九

選舉

科第

薦辟

貢舉

武勳

封爵

卷十

武備

卷十一

田賦

地畝
起運
墾荒
驛站

科則
存留
耗羨
雜稅

正賦
雜貢
鹽引

人丁
漕糧

戶口
宗祿

卷十二

風土

風俗
物產

卷十三

人物

名臣

卷十四

人物

庶官

卷十五

人物

忠烈

卷十六

人物

孝友

卷十七

人物

儒林
文苑
行誼

卷十八

人物
義行
隱逸
技藝
流寓

卷十九

列女
賢母
賢婦
孝女
孝婦
烈女
烈婦
義女
義婦
完節
完婦

卷二十

完節
貞壽
貞女

列女

卷二十一

寺觀
仙釋附

卷二十二

藝文
制誥
奏疏
書啟

卷二十三

藝文

序 跋

卷二十四

藝文

碑記

卷二十五

藝文

碑記

卷二十六

藝文

碑記

卷二十七

藝文

論 贊 銘 議 考 說 傳
雜著 誌

卷二十八

藝文

詩

卷二十九

藝文

詩

卷三十

藝文

賦

卷三十一

禮祥

卷三十二

雜記

雜行

拾遺

雜錄

彰德府志卷二

山川 山水 河渠 關隘 津梁 附園林景物

大行衡漳見於禹貢而周官職方氏亦紀漳川焉彰郡山川厥來舊矣他如班固之所稱桑欽之所錄往往而在安陽之河可灌隆慮之險可守非徒黃華天平諸勝僅供游觀已也故統水利關津之屬而詳志之並附以園林景物志山川

山

安陽縣山

韓陵山在縣東北十七里舊傳漢韓信嘗屯兵故號韓陵或曰有冢曰韓陵故名山也曹魏劉楨詩朝發

白馬宿韓陵卽此魏普泰間高歡破爾朱兆等於此山下立定國寺旌功令溫子昇作碑陳徐陵奉使過此讀其碑心愛其才麗手自錄之旣南歸人問北朝人物何如曰唯韓陵一片石耳

有碑記載藝文

北史高歡據鄴城爾朱天光爾朱兆等同會鄴衆號二十萬挾洹水而軍歡出頓紫陌衆寡不敵乃於韓陵爲圓陣連牛驢以塞歸道於是將士皆有死志四面赴擊之

龍山在縣西四十里周四十里高五里晉左思魏都賦云鴛鴦交谷虎澗龍山卽此

寶山在龍山西南十餘里山產白石陶人取之以爲器

寶山在龍山西南十餘里山產白石陶人取之以爲器
山有八峯峯下有泉古曰白石谷

善應山在龍山東南十五里洹水湫流出焉山下有村

爲東善應西善應

有記載
藝文

清涼山在縣西北七十里聳拔崒嵒高出諸山

有詩載
藝文

銅山在縣西北四十里舊產銅有冶久廢

魯山在縣西北七十里亦稱魯般谷水經注云蒼石溪

出魯般門入林慮界

高望山在縣西北八十里山最高聳遠望儼立雲表

蒙賚山在縣西南二十五里北魏孝文帝南遷洛陽於

山下頒賚從臣因名

艾山在縣西七十里艾口

愁思岡在縣南十五里周七里高二丈二尺唐乾元初
郭子儀敗安慶緒於愁思岡卽其地舊傳曹魏陳思
王植不爲文帝所容嘗陟此岡愁思悲吟因名隨文
帝改爲崇義岡俗曰望喜岡上有防城故又曰防城
岡

野馬岡在縣北三十三里北魏高歡與爾朱兆等戰於
韓陵高季式以七騎追奔度野馬岡與兆遇後周尉
遲迴遣精甲三千伏野馬岡宇文弼以百騎襲之皆
其地舊傳云勢如馳馬或曰古嘗牧馬焉岡下冢纍
纍皆葬王侯也

北魏後廢帝葬鄴西野馬岡
見魏書

湯陰縣山

太行山在縣西五十里綿亘數千里峯谷巖洞景物萬狀雖各因地立名總皆太行也郡屬武安涉皆接連太行其在林縣界者一百八十里

五巖山在縣西四十里山有五谷東南一窟孫登室也卽五巖洞

牟山在縣西南四十里谷頂似牟因以名焉

崔山在縣西北四十五里世傳雙鶴棲此故名

淺山在縣西南之盡處侯趙川與林縣接境蓋太行之麓也

飛鳳山在縣西五里

神山在縣西三十里

中山在縣西賢泉之北

柏尖山在縣西五十里孤峰特峙羣山環拱淇水奔流
其下匯爲深潭怒號之聲響振林谷土人呼爲白龍
潭

黑山在縣西南三十里長沙溝水發源於此相傳犢子
牽黃犢遊息邑西黑山中後與連睂女相合俱去左
思魏都賦曰連睂配犢者也

枉人山在縣東二十五里水經注曰長沙溝水又東經
枉人山俗傳爲博望岡因上舊有張相公祠祀漢潯
陰令張遷遷與騫音相近遂訛爲博望侯祠也

臨漳縣山

東嶗山在縣西南三十五里一名東山東魏高澄積土爲山斬地爲池引萬金水爲行樂之所在鄴城東因名東嶗周平齊毀山湮池

林縣山

太行山在縣西綿亘數千里南接天壇北接恒嶽隨地異名總曰太行其在縣界者一百八十里

按林之山其西曰黃華曰天平曰玉泉西南曰硤峪曰棲霞西北曰魯般門曰倚陽總爲隆慮山隨地而異名者也皆太行之支山也魯班門之西北曰寶泉又北曰大頭玉泉之西南曰紫團皆太行山也縣東南北諸山又隆慮之支派也

隆慮山在縣西二十里一名林慮東漢時與縣名同改
此山南負太行北連恒嶽景物雄奇秀冠一郡有記
魯班門在縣西北二十五里兩峯相去五十步其中缺
然如門

黃華山在魯班門南二十里自山至縣二十里野老云
歲晚滿谷黃華故古傳其名谷之西南有通聖谷通
聖谷東有桃花溪自山麓循溪西北入二里餘有覺
仁院院北一峯曰師子峯其下有漏天崑其南有石
闕石闕之東有蒲泉蒲泉之東曰澄潭在師子峯西
一峯曰神困山其上有爭秀峯峯西一峯曰抱螺峯
石壁間有三聖洞洞之下有慈明院院南有王母臺

墓側有王母池池西有鑛鑛池池上有碧陰溪其西
有齊樂平倉基倉北有紫玉崑在慈明院西北一峯
曰插天峯其下有高齊宮殿基其東有國師崑其西
有熊耳峯龕肚梯西南有飛雪崑院西南一峯曰玉
女峯壁間有玉女洞其下有小山曰鳳尾峯其南爲
公主關關之東有覽古亭南厓上有龍鬚泉北厓上
有龍口泉下有白玉溪關之北有小山曰浮圖峯山
南有小山曰石屏峯院南三峯第一曰仙人樓下有
小山曰玉女樓北有迓珠簾第二曰摩雲峯第三曰
玉女臺院東南一峯曰連屏峯

有詩載
藝文

天平山在黃華谷南二十里東至縣二十六里自黃華